

ঠাকুর ভক্তিবিনোদ স্মৃতি-

প্ৰসঙ্গিত হইতে প্রকাশিত

ADWIP BHABTARANGA

শ্রীনবদ্বীপ ভাবতরঙ্গ ।

ঠাকুর ভক্তিবিনোদ

শ্রীল ঠাকুর ভক্তিবিনোদ স্মৃতি সংরক্ষণ সমিতি

কর্তৃক প্রকাশিত ।

১। A Glimpse into the life of Thakur-

Bhakti Vinode—Price Re 1/-

২। শ্রীহরিনামচিন্তামণি (শ্রীশ্রীমদ্ ঠাকুর ভক্তিবিনোদ প্রণীত)

মূল্য ৮০

৩। শরণাগতি (শ্রীশ্রীমদ্ ঠাকুর ভক্তিবিনোদ প্রণীত)

মূল্য ১০

৪। তত্ত্বসূত্র (শ্রীশ্রীমদ্ ঠাকুর ভক্তিবিনোদ প্রণীত)

মূল্য

শ্রীশ্রীমদ্ ঠাকুর ভক্তিবিনোদ প্রণীত

জৈবধর্ম ।

(দ্বিতীয় সংস্করণ)

বৈষ্ণব ধর্ম সম্বন্ধায় যাবতীয় জ্ঞাতব্য বিষয় সমন্বিত ৬৬৭ গ্রন্থ ।

বিষয় বঙ্গভাষায় লিখিত । সাধারণ কাগজে মূল্য ১।০ । ভাল

গ্লোজ কাগজে ২।০ । ডাকমাশুলাদি ব্যয় ১০ অতিরিক্ত ।

শ্রীচৈতন্য শিক্ষায়তন ... মূল্য ১।০

শ্রীকৃষ্ণ সংহিতা ... „ ১

শ্রীভজন রহস্য ... „ ১।০

কল্যাণকল্পতরু ... „ ১/০

এই সকল পুস্তক “শ্রীভক্তিবিনোদ-আসন” ১ নং উল্টাডিল্লি
জংসন রোড, কলিকাতা ঠিকানায় ও অন্যান্য পুস্তকালয়ে প্রাপ্তব্য ।

শ্রীল ঠাকুর ভক্তিবিনোদ প্রণীত শ্রীনবদ্বীপ ভাবতরঙ্গ ।

পরমহংস পরিব্রাজকাচার্য্য

শ্রীমদ্ ভক্তিসিদ্ধান্ত সরস্বতী কর্তৃক

সম্পাদিত ।

৯৯৯৯৯৯৯ ৯৯৯

ডাক্তার শ্রীযুক্ত সিদ্ধেশ্বর মজুমদার এল, এম, এস, মহাশয়ের
সম্পূর্ণ আনুকূল্যে “শ্রীল ঠাকুর ভক্তিবিনোদ স্মৃতি-
সংরক্ষণ সমিতি” হইতে প্রকাশিত ।

দ্বিতীয় সংস্করণ—শ্রীচৈতন্যাব্দ ৪৩৪ ।

[শ্রীযোগেন্দ্রচন্দ্র হালদার কর্তৃক শ্রীভাগবত প্রেসে
(নদীয়া) কৃষ্ণনগরে মুদ্রিত ।]

নিদর্শনী ।

			পৃষ্ঠা
শ্রীধাম পরিচয়	...	...	১
অন্তর্দীপ শ্রীমায়াপুর	...	...	২
গঙ্গানগর	...	...	৪
ভরদ্বাজ টীলা	...	...	৫
পৃথুকুণ্ড	...	...	৫
শরডেঙ্গা	...	...	৫
সীমন্ত দ্বীপ	...	...	৫
বিল্বপক্ষ	..	...	৫
ঈশোত্তান	...	...	৬
বিশ্রাম স্থল	...	...	৬
শ্রীধর কুটীর	...	...	৬
সুবর্ণ বিহার	...	...	৭
নৃসিংহপুরী	...	...	৭
গোদ্রুমদ্বীপ	...	...	৯
মধ্যদ্বীপ	...	...	১১
ব্রাহ্মণ পুকুর	...	...	১১
উচ্চহট	...	...	১২
পঞ্চবেণী	...	...	১৩
কোলদ্বীপ	...	...	১৩

সমুদ্রগড়	...	...	১৫
চম্পাহট	...	...	১৬
ঝাতুদ্বীপ	...	...	১৭
বিজ্ঞানগর	...	...	১৮
জহু দ্বীপ	...	...	১৯
মোদদ্রুমদ্বীপ	...	...	২২
ভাণ্ডীরবন	...	...	২৩
শ্রীবৈকুণ্ঠপুর	...	...	২৪
ব্রহ্মাণীনগর	...	...	২৪
অর্কটীলা	...	...	২৪
মহৎপুর কাম্যাবন	...	...	২৫
রুদ্রদ্বীপ	...	...	২৭
নিদয়া	...	...	২৯

প্রকাশকের নিবেদন ।

শ্রীল নরোত্তম ঠাকুর মহাশয় বলিয়াছেন :-

“শ্রীগৌড়মণ্ডল ভূমি, যেবা জানে চিন্তামণি,
তঁার হয় ব্রজভূমে বাস ।”

এই অপূৰ্ণ সারপূৰ্ণ বাক্যগুলি হৃদয়ে রাখিয়া শুদ্ধভক্তগণ শ্রীনবদ্বীপ চিন্ময় ভূমিকে ধারণা করিতেন, কিন্তু যখন তাঁহারা নবদ্বীপ নগরে বাই-
তেন, তখন কুলিয়ার চরস্থিত ঐ নগর পাইয়া তথায় শ্রীমন্মহাপ্রভুর প্রকট
স্থান প্রভৃতি বলিয়া ঐ নগরবাসিগণ যে সকল চিত্তোন্মাদক স্থান দেখা-
ইয়া দিতেন তাহাই দেখিতেন এবং পরে অনুসন্ধান করিলে উহা নবীন
নগর জানিতে পারিয়া অবশেষে মনে দুঃখ পাইতেন । পক্ষান্তরে মহাজন
ও সিদ্ধভক্ত মহোদয়গণ চিরদিনই বর্তমান নগরের অপর পারে শ্রীচাঁদ
কাজীর সমাধির অনতিদূরে শ্রীমায়াপুর নামক স্থানে শ্রীমন্মহাপ্রভুর জন্ম-
ভিটা, শ্রীবাসের অগ্নি ও সেই সেই স্থানে সপার্বদ প্রভুর নিত্যলীলা দিব্য-
চক্ষে সন্দর্শন করিয়া তথায় গড়াগড়ি দিতেন এবং তাঁহাদিগের কৃপাপ্রাপ্ত
কোন কোন ব্যক্তিকে শুদ্ধভক্ত জানিয়া কদাচ ঐ রহস্য উদ্ঘাটিত করি-
তেন । অপরন্তু শ্রীনবদ্বীপধাম ষোল কোশ শ্রীভক্তিরত্নাকর লেখক
শ্রীল নরহরি চক্রবর্তী অপর নাম শ্রীল ঘনশ্যাম দাস আনুমানিক দুই শত
পঞ্চাশ বর্ষ পূর্বে উপলব্ধি করিয়া তৎকালে শ্রীনবদ্বীপের যে ভাব ও
অবস্থা ছিল তাহা বর্ণনা করিয়াছিলেন । তখন শ্রীনবদ্বীপ শ্রীমন্মহাপ্রভুর
সময়ের নগর হইতে অশ্রুপ আকার ধারণ করিয়াছিল । সে যাহা
হউক, চিন্ময়ধাম শ্রীনবদ্বীপ শুদ্ধ ভক্তগণের চক্ষে চিরদিনই চিন্ময় স্থান ও

শ্রীবৃন্দাবন ধাম হইতে অভিন্ন। বর্তমান কালের শুদ্ধভক্তিস্রোতের এক-
মাত্র মূল প্রবর্তক শ্রীগৌরনিজজন শ্রীল ভক্তিবিনোদ ঠাকুর মহোদয়
জগতের হিতসাধনার্থ এবং বৈষ্ণব হৃদয়ে আনন্দ-স্রোত প্রবাহকরণার্থে
লুপ্ততীর্থ উদ্ধার পূর্বক শ্রীশ্রীমন্নহাপ্রভুর প্রকৃত চিন্ময় লীলাভূমিগুলি
প্রকাশ করিয়া অপর করুণা বিস্তার করিয়াছেন। তিনি শ্রীমায়াপুরে
যোগপীঠে শ্রীশ্রীগৌরবিষ্ণুপ্রসাদ যুগল মূর্তির সেবা প্রতিষ্ঠা করাইয়া জগ-
জ্জনকে শ্রীশ্রীমন্নহাপ্রভুর প্রসাদ দান করিয়াছেন। তিনি “শ্রীনবদ্বীপধাম
মাহাত্ম্য” নামক একখানি গ্রন্থে শ্রীনবদ্বীপধামের বিস্তৃত বর্ণনা আশ্রয়িত
দিয়াছেন। আর তাঁহার শ্রীনবদ্বীপ সম্বন্ধে এই দ্বিতীয় গ্রন্থ “শ্রীশ্রীনবদ্বীপ
ভাবতরঙ্গ” খানি প্রথমতঃ একখানি সাময়িক পত্রে ২০ বৎসর পূর্বে
প্রকাশ করিয়াছিলেন। এক্ষণে উহার বহুল প্রচার আবশ্যক বিবেচনা
করিয়া ঠাকুরের জ্যেষ্ঠা কন্যা ভক্তিমতী দানশীলা শ্রীমতী সোদামিনী দেবী
তাঁহার স্নযোগ্য পুত্র বৈষ্ণববন্ধু উদারচেতা বদান্তবর শ্রীযুক্ত ডাক্তার
সিদ্ধেশ্বর মজুমদার, এল্, এম্, এন্স মহোদয়ের অর্থানুকূল্যে পুনর্মুদ্রিত
করিয়া সমগ্র বৈষ্ণব জগতের শ্রদ্ধাভাজন হইতেছেন। তাঁহাদের এই
পুণ্যময় অনুষ্ঠানের জন্য স্মৃতিসমিতিও তাঁহাদিগের নিকট ঋণী।

শ্রীস্বানন্দ সুখদকুঞ্জ
স্বরূপগঞ্জ, জেলা নদীয়া।
তাং ১লা মাঘ, ১৩২৭।

শ্রীঠাকুর ভক্তিবিনোদ-
স্মৃতিসংরক্ষণ সমিতি।

শ্রীশ্রীনবদ্বীপ ভাবতরঙ্গ ।

সর্ববধামশিরোমণি সন্ধিনীবিলাস ।
ষোলক্রেগশ নবদ্বীপ চিদানন্দবাস ॥
সর্ববতীর্থ-দেব-ঋষি-শ্রুতির বিশ্রাম ।
ক্ষুরুক্ নয়নে মম নবদ্বীপ ধাম ॥ ১
মাধুর মণ্ডলে ষোলক্রেগশ বৃন্দাবন ।
গোড়ে নবদ্বীপ তথা দেখুক্ নয়ন ॥
একের প্রকাশ দুই অনাদি চিন্ময় ।
প্রভুর বিলাস-ভেদে শুদ্ধধামদয় ॥ ২
প্রভুর অচিন্ত্য শক্তি অনাদি চিন্ময়ে ।
জীব নিস্তারিতে আনে প্রপঞ্চ-নিলয়ে ॥
সেই কৃষ্ণকৃপাবলে জড়-যক্ষ জন ।
বৃন্দাবন নবদ্বীপ করুক দর্শন ॥ ৩
যোগ্যতা লভিয়া সব জীবেন্দ্রিয়গণ ।
চিন্ময় বিশেষ সুখা করে আশ্বাদন ॥
অযোগ্য ইন্দ্রিয় তাহা আশ্বাদিতে নারে ।
ক্ষুদ্র জড় বলি তারে নিন্দে বারে বারে ॥ ৪
কৃষ্ণ কৃষ্ণভক্ত-কৃপা যোগ্যতা কারণ ।
জীবে দয়া সাধুসঙ্গে লভে ভক্তজন ॥

জ্ঞানকর্মাযোগে সেই যোগ্যতা না হয় ।
শ্রদ্ধাবলে সাধুসঙ্গে করে জড় জয় ॥ ৫
জড় জাল জীবেন্দ্রিয়ে ছাড়ে যেই ক্ষণ ।
জীবচক্ষু করে ধাম-শোভা দরশন ॥
আহা কবে সে অবস্থা হইবে আমারে ।
দেখিব শ্রীনবদ্বীপ জড়মায়া পারে ॥ ৬
অষ্টদলপদ্মনিভ ধাম নিরমল ।
কোটি চন্দ্র জ্যোৎস্না জিনি অতীব শীতল ॥
কোটি সূর্য্যপ্রভা জিনি অতি তেজময় ।
আমার নয়ন পথে হইবে উদয় ॥ ৭
অষ্টদ্বীপ অষ্টদল মধ্যে দ্বীপবর ।
অন্তদ্বীপ নাম তার অতীব সুন্দর ॥
তার মধ্য ভাগে যোগপীঠ মায়াপুর ।
দেখিয়া আনন্দ লাভ করিব প্রচুর ॥ ৮
ব্রহ্মপুর বলি শ্রুতিগণ যাকে গায় ।
মায়াযুক্ত চক্ষে আহা মায়াপুর ভায় ॥
সর্ব্বোপরি শ্রীগোকুল নাম মহাবন ।
যথা নিত্যলীলা করে শ্রীশচীনন্দন ॥ ৯
ব্রজে সেই ধাম গোপ-গোপীগণালয় ।
নবদ্বীপে শ্রীগোকুল দ্বিজবাস রয় ॥

জগন্নাথমিশ্রগৃহ পরম পাবন ।

মায়াপুর মধ্যে শোভে নিত্য নিকেতন ॥ ১০

মায়াজালাবৃত চক্ষু দেখে ক্ষুদ্রাগার ।

জড়ময় ভূমি জল দ্রব্য যত আর ॥

মায়াকৃপা করি জাল উঠায় যখন ।

আঁখি দেখে সুবিশাল চিন্ময় ভবন ॥ ১১

যথা নিত্য-মাতাপিতা দাসদাসীগণ ।

শ্রীগৌরান্ধে সেবে প্রেমে মত্ত ব্রহ্মকণ ॥

লক্ষ্মীবিষ্ণুপ্রিয়া সেবে প্রভুর চরণ ।

পঞ্চতত্ত্বাত্মক প্রভু অপূৰ্ণ দর্শন ॥ ১২

নিত্যানন্দ শ্রীঅদ্বৈত সেই মায়াপুরে ।

গদাধর শ্রীবাসাদি স্থানে যাবে স্মরে ॥

অসংখ্য বৈষ্ণবালয় চতুর্দিকে ছায় ।

হেন মায়াপুর কৃপা করুন আমায় ॥ ১৩

নৈঋতে যমুনা গঙ্গা স্বসৌভাগ্য গণি ।

নাগরূপে সেবা করে গোরা দ্বিজমণি ॥

ভাগীরথী-তটে বহু ঘাট দেবালয় ।

প্রোঢ়ামায়া বুদ্ধ শিব উপবনচয় ॥ ১৪

অসংখ্য ব্রাহ্মণ-গৃহ মায়াপুরে হয় ।

রাজপথ চত্বর বিপিন শিবালয় ॥

পূর্ব দক্ষিণেতে এক সরস্বতী ধার ।
নিরবধি বহে ঈশোদ্দ্যান তটে যার ॥ ১৫
এসব বৈভব নিত্য চিন্ময় অপার ।
কেন পাবে কলিজীব মায়াবদ্ধ ছার ॥
তিনদী-ভাঙ্গন-ছলে লুকাইল মায়া ।
জড় চক্ষু দেখে মাত্র মায়াপুর-ছায়া ॥ ১৬
সশক্তিক নিত্যানন্দকুপাবল-ক্রমে ।
স্ফুরুক্ নয়নে মায়াপুরী সসম্রমে ॥
শ্রীগোরাঙ্গ-গৃহলীলা করি দরশন ।
অতি ধন্য ইউ এই মুঢ় অকিঞ্চন ॥ ১৭
অন্তর্দ্বীপ-মধ্যে যেই মায়াপুর গ্রাম ।
অষ্টদল কমলের কর্ণিকা সে ধাম ।
গোড়কান্তি পীত জ্যোতির্ময় স্ননির্মল ।
করুন্ নয়নে মোর সদা বলমল ॥ ১৮
কোন স্থানে উপবন পৃথু সরোবর ।
গোচারণভূমি কত দেখিতে সুন্দর ॥
প্রবাহপ্রণালী কত শস্যভূমি খণ্ড ।
রাজপথ বকুল কদম্ব বৃক্ষ ষণ্ড ॥ ১৯
তাহার পশ্চিমে জহু-তনয়ার তট ।
শ্রীগঙ্গানগর নামে প্রসিদ্ধ খর্বট ॥

যথা গঙ্গাদাস-গৃহে বিদ্যানুশীলন ।
 করিলেন প্রভু মোর লয়ে দ্বিজজন ॥ ২০
 ভরদ্বাজটীলা তথা দেখিতে সুন্দর ।
 গৌর ভজি যথা ভরদ্বাজ মুনিবর ॥
 লভিয়া চৈতন্যপ্রেম সূত্র প্রকাশিল ।
 কতশত বহিস্মুখ জনে ভক্তি দিল ॥ ২১
 পৃথুকুণ্ড উত্তরেতে মথুরা নগর ।
 ষষ্ঠীতীর্থ মধুবন পরম সুন্দর ॥
 বহুজনাকীর্ণ জনপদ সুবিস্তার ।
 দর্শনে পবিত্র হউ নয়ন আমার ॥ ২২
 তদুত্তরে শরডেঙ্গা স্থান মনোহর ।
 রক্তবাহুভয়ে যথা শবর প্রবর ॥
 নীলাদ্রিপতিকে লয়ে রহে সংগোপনে ।
 সেই স্থান দেখি যেন সর্বদা নয়নে ॥ ২৩
 মথুরায় বায়ুকোণে হেরিব নয়নে ।
 সীমন্ত-দ্বীপের শোভা জাহ্নবী-সদনে ॥
 যথায় পার্বতীদেবী গৌরপদ ধূলি ।
 সীমন্তে ধারণ কৈল করিয়া আকুলি ॥ ২৪
 দূর হইতে বিলোকিব বিল্বপক্ষবন ।
 যথা গৌরধ্যানে আছে ঋষি চতুঃসন ॥

নিতাইবিলাসভূমি দেখিব সুদূরে ।
যথা সঙ্কর্যণ-ক্ষেত্র বিজ্ঞজনে স্ফুরে ॥ ২৫
মায়াপুর-দক্ষিণাংশে জাহ্নবীর তটে ।
সরস্বতী-সঙ্গমের অতীব নিকটে ॥
ঈশোত্তান নাম উপবন সুবিস্তার ।
সর্বদা ভজনস্থান হউক আমার ॥ ২৬
যে বনে আমার প্রভু শ্রীশচীনন্দন ।
মধ্যাহ্নে করেন লীলা লয়ে ভক্তজন ॥
বনশোভা হেরি রাধাকুণ্ড পড়ে মনে ।
সে সব স্ফুরুক্ সদা আমার নয়নে ॥ ২৭
বনম্পতি কৃষ্ণলতা নিবিড় দর্শন ।
নানা পক্ষী গায় তথা গৌরগুণগান ॥
সরোবর শ্রীমন্দির অতি শোভা তায় ।
হিরণ্যহীরকনীলপীতমণি জায় ॥ ২৮
বহিস্মুখজন মায়ামুগ্ধ আঁখিদ্বয়ে ।
কভু নাহি দেখে সেই উপবনচয়ে ॥
দেখে মাত্র কণ্টক-আবৃত ভূমিখণ্ড ।
তটিনীবট্টার বেগে সদা লণ্ডভণ্ড ॥ ২৯
মধুবন মধ্যভাগে শ্রীবিশ্রামস্থল ।
শ্রীধরকুটীর আর কুণ্ড নিরমল ॥

কাজীরে শোধিয়া প্রভু লয়ে পরিকর ।
 যথায় বিশ্রাম কৈল ত্রিংশ-ঈশ্বর ॥ ৩০
 হা গৌরঙ্গ বলি কবে সে বিশ্রামস্থলে ।
 গড়াগড়ি দিয়া আমি কাঁদিব বিরলে ॥
 প্রেমাবেশে দেখিব শ্রীগৌরঙ্গসুন্দরে ।
 লৌহপাত্রে জন পিয়ে শ্রীধরের ঘরে ॥ ৩১
 কবে বা সৌভাগ্যবলে নয়ন আমার ।
 হেরিবে কীর্তনমাঝে শচীর কুমার ॥
 নিত্যানন্দাঙ্কিত গদাধরশ্রীনিবাসে ।
 লয়ে নাচে প্রেম যাচে শ্রীধর আবাসে ॥ ৩২
 তার পূর্বের বিলোকিব সুবর্ণবিহার ।
 সুবর্ণসেনের দুর্গ তুল্য নাহি যার ॥
 যথায় শ্রীগৌরচন্দ্র সহ পরিকর ।
 নাচেন সুবর্ণমূর্তি অতি মনোহর ॥ ৩৩
 একাকী বা ভক্তসঙ্গে কবে কাকুস্বরে ।
 কাঁদিয়া বেড়াব আমি সুবর্ণনগরে ॥
 গৌরপদে শ্রীযুগল-সেবা মাগি লব ।
 শ্রীরাধাচরণাশ্রয়ে প্রাণ সমর্পিব ॥ ৩৪
 তার পূর্বদক্ষিণেতে শ্রীনৃসিংহ-পুরী ।
 কবে বা হেরিব দেবপল্লীর মাধুরী ॥

নবহরি-ক্ষেত্রে প্রেমে গড়াগড়ি দিয়া ।

নিরুপট কৃষ্ণ-প্রেম লইব মাগিয়া ॥ ৩৫

এ দুষ্কৃত-হৃদয়ে কাম আদি রিপু ছয় ।

কুটিনাটি প্রতিষ্ঠাশা শাঠ্য সদা রয় ॥

হৃদয়শোধন আর কৃষ্ণের বাসনা ।

নৃসিংহ-চরণে মোর এইত কামনা ॥ ৩৬

কাঁদিয়া নৃসিংহ-পদে মাগিব কখন ।

নিরাপদে নবদীপে যুগলভজন ॥

ভয়, ভয় পায় যার দর্শনে সে হরি ।

প্রসন্ন হইবে কবে মোরে দয়া করি ॥ ৩৭

যতপি ভীষণ মূর্ত্তি দুষ্কৃত জীব প্রতি ।

প্রহ্লাদাদি কৃষ্ণভক্তজনে ভদ্র অতি ॥

কবে বা প্রসন্ন হইবে সৰূপবচনে ।

নির্ভয় করিবে এই মুঢ় অকিঞ্চনে ॥ ৩৮

স্বচ্ছন্দে বৈস হে বৎস শ্রীগোবিন্দধামে ।

যুগলভজন হউ, রতি হউ নামে ॥

মম ভক্তকৃপাবলে বিঘ্ন যাবে দূর ।

শুদ্ধ চিত্তে ভজ রাধাকৃষ্ণ-রসপূর ॥ ৩৯

এই বলি কবে মোর মস্তক-উপর ।

স্বীয় শ্রীচরণ হর্ষে ধরিবে ঈশ্বর ॥

অমনি যুগল-প্রেমে সাদ্বিক বিকারে ।
 ধরায় লুটিব আমি শ্রীনৃসিংহদ্বারে ॥ ৪০
 সে ক্ষেত্রের পশ্চিমেতে গণ্ডকের ধার ।
 শ্রীঅলকানন্দ কাশীক্ষেত্র হয়ে পার ॥
 দেখিব গোদ্রুমক্ষেত্র অতি নিরমল ।
 ইন্দ্রসুরভির যথা ভজনের স্থল ॥ ৪১
 গোদ্রুম-সমান ক্ষেত্র নাহি ত্রিভুবনে ।
 মার্কণ্ডেয় গৌরকৃপা পায় যেই বনে ॥
 যেমন সংলগ্ন সরস্বতীনদীতটে ।
 ঈশোত্তান রাধাকুণ্ড জাহ্নবী-নিকটে ॥ ৪২
 ভজরে ভজরে মন গোদ্রুম-কানন ।
 অচিরে হেরিবে চক্ষুে গৌরলীলাধন ॥
 সে লীলা-দর্শনে তুমি যুগলবিলাস ।
 অনায়াসে লভিবে পূরিবে তব আশ ॥ ৪৩
 গোদ্রুম শ্রীনন্দীশ্বর-ধাম গোপাবাস ।
 যথা শ্রীগৌরান্ধ করে বিবিধ বিলাস ॥
 পূর্ববাহু গোপের ঘরে গব্যদ্রব্য থাই ।
 গোপসনে গোচারণ করেন নিমাই ॥ ৪৪
 গোপগণ বলে ভাই তুমিত গোপাল ।
 দ্বিজরূপ কভু তব নাহি সাজে ভাল ॥

এস কাঁধে করি তোরে গোচারণ করি ।
মায়ের নিকটে লই যথা মায়াপুরী ॥ ৪৫
কোন গোপ স্নেহ করি' দেয় ছানাক্ষীর ।
কোন গোপ রূপ দেখি হয়ত অস্থির ॥
কোন গোপ নানা ফল-ফুল দিয়া করে ।
বলে ভাই নিতি নিতি আইস মোর ঘরে ॥ ৪৬
বিপ্রে'র ঠাকুর তুমি গোপের কারণ ।
তোমা ছাড়ি যেতে নারি তুমি ধ্যান জ্ঞান ॥
ঐ দেখ গাভি সব তোমা'রে দেখিয়া ।
হাস্যাবে ডাকে ঘাস বৎস তেয়াগিয়া ॥ ৪৭
আজ বেলা হইল চল জগন্নাথালয় ।
কাল যেন এই স্থানে পুনঃ দেখা হয় ॥
রাখিব তোমার লাগি দধিছানাক্ষীর ।
বেলা হইলে জেন আমি হইব অস্থির ॥ ৪৮
এইরূপে নিতি নিতি শ্রীগোদ্রম-বনে ।
শ্রীগোর-নিতাই খেলা করে গোপসনে ॥
বেলা না হইতে পুনঃ করি' গঙ্গাস্নান ।
শ্রীশচীসদনে যান গৌরভগবান্ ॥ ৪৯
হেন দিন আমার কি হইবে উদয় ।
হেরিব গোদ্রম-লীলা শুদ্ধ-প্রেমময় ॥

গোপসঙ্গে গোপভাবে প্রভু-সেবা-আশে ।

একমনে-বসিব সে গোদ্রুম আবাসে ॥ ৫০

গোদ্রুম দক্ষিণে মধ্যদ্বীপ মনোহর ।

বনরাজি শোভে যথা দেখিতে সুন্দর ॥

যথায় মধ্যাহ্নে প্রভু ল'য়ে ভক্তগণ ।

সপ্তঋষি কাছে আসি দিল দরশন ॥ ৫১

যথায় গোমতী-তীরে নৈমিষ-কাননে ।

গৌরভাগবতকথা শুনে ঋষিগণে ॥

শুনিতে সে গৌরকথা দেব-পঞ্চানন ।

সহসা আইলা হয়ে শ্রীহংস-বাহন ॥ ৫২

কবে আমি ভ্রমিতে ভ্রমিতে সেই বন ।

হেরিব পুরাণ-সভা অপূর্বদর্শন ॥

শুনিব চৈতন্য-কথা শ্রীহরিবাসরে ।

সুপুণ্য কার্তিকমাসে গোমতীর ধারে ॥ ৫৩

শৌনকাদি শ্রোতা ঋষিগণ কৃপা করি ।

পদধূলি দিয়া মাথে হস্তদ্বয় ধরি ॥

বলিবে হে নবদ্বীপবাসি ! একমনে ।

শ্রীগৌরাজ-কথামৃত পিয় এই বনে ॥ ৫৪

তাহার দক্ষিণে শোভে ব্রাহ্মণ-পুষ্কর ।

শ্রীপুষ্করতীর্থে যথা দেখে দ্বিজবর ॥

ভজিয়ে গৌরান্ধপদ বিপ্র দিবদাস ।
শ্রীগৌরান্ধরূপ হেরি পাইল আশ্বাস ॥ ৫৫
তাহার দক্ষিণে ক্ষেত্র উচ্চহট্ট নাম ।
ব্রহ্মাবর্ত কুরুক্ষেত্র ত্রিপিষ্টপ-ধাম ॥
যথা দেবগণ করে গৌর-সংকীৰ্ত্তন ।
কভু ধামবাসী তাহা করেন শ্রবণ ॥ ৫৬
শ্রীগৌরান্ধ গণ-সহ মধ্যাহ্ন সময়ে ।
ভ্রমেন্ এসব বনে প্রেমমত্ত হয়ে ॥
ভক্তগণে কৃষ্ণলীলা সঙ্কত বলিয়া ।
নাচেন কীৰ্ত্তনে রাধা-ভাব আশ্বাদিয়া ॥ ৫৭
আমি কবে একাকী বা ভক্তজন-সঙ্গে ।
ভাসিব চৈতন্য-প্রেম-সমুদ্র-তরঙ্গে ॥
মধ্যাহ্নে ভ্রমিব মধ্যদ্বীপ বনচয়ে ।
প্রভুভাব বিভাবিয়া অকিঞ্চন হ'য়ে ॥ ৫৮
মধ্যদ্বীপবাসিভক্তগণ কৃপা করি ।
দেখাইবে ঐ দেখ গৌরান্ধশ্রীহরি ॥
ব্রহ্মকুণ্ডতীরে ব্রহ্মনগর-ভিতরে ।
কীৰ্ত্তন ঘটায় নাচে লয়ে পরিকরে ॥ ৫৯
কবে বা দেখিব সেই পুরটসুন্দর ।
অপূর্ববমূরতি গোরা বনমালাধর ॥

দীর্ঘবাহু হ'য়ে উচ্চৈঃস্বরে ডাকি' বলে ।

হরিনাম বল ভাই একত্রে সকলে ॥ ৬০

অমনি শ্রীবাস-আদি যত ভক্তজন ।

হরি হরি-বলিয়া করিবে সংকীৰ্ত্তন ॥

কেহ বা বলিবে গৌরহরি বল ভাই ।

গৌর-বিনা রাধাকৃষ্ণ-সেবা নাহি পাই ॥ ৬১

উচ্চহৃষ্ট সন্নিকটে পঞ্চবেণী নাম ।

দেবতীর্থ যথা দেবগণের বিশ্রাম ॥

জাহ্নবী ত্রিধারা সরস্বতী শ্রীযমুনা ।

মিলিয়াছে গৌরসেবা করিয়া কামনা ॥ ৬২

গণ-সহ গৌরহরি যথা করি' স্নান ।

কলিপাপ হইতে তীর্থে কৈল পরিত্রাণ ॥

পঞ্চবেণী হেন তীর্থ এ চৌদ্দ ভুবনে ।

নাহি দেখে বেদব্যাস আর ঋষিগণে ॥ ৬৩

কবে পঞ্চবেণী-জলে করিয়া স্নপন ।

শ্রীগৌরান্ধপাদপদ্ম করিব স্মরণ ॥

গৌরপদপূত বারি অঞ্জলি ভরিয়া ।

পিয়া ধন্য হব গৌরপ্রসঙ্গে মাতিয়া ॥ ৬৪

পঞ্চবেণী-পারে কোলদ্বীপ মনোহর ।

কোলরূপে প্রভু যথা ভক্তের গোচর ॥

শ্রীবরাহক্ষেত্র বলি' সর্বশাস্ত্রে কয় ।
 দেবের দুর্লভ স্থান চিদানন্দময় ॥ ৬৫
 লয়াপাহাড় নামে প্রসিদ্ধ জগতে ।
 শ্রীগোরাঙ্গলীলাস্থান শ্রেষ্ঠ সর্ববমতে ॥
 শ্রীকৃষ্ণচৈতন্য যথা সন্ন্যাসের পর ।
 ব্রজযাত্রা-ছলে দেখে নদীয়া নগর ॥ ৬৬
 বিদ্যাবাচস্পতি-বিদ্যালয় যেই স্থানে ।
 বিশারদপুত্র তেঁহ কেবা নাহি জানে ॥
 প্রভুর একান্ত ভৃত্য শুদ্ধভক্তিবলে ।
 আকর্ষিল নিজপ্রভু গঙ্গাস্নানছলে ॥ ৬৭
 কবে আমি গঙ্গাতীরে দাঁড়াইয়া রব ।
 বিদ্যাবাচস্পতি-দ্বারে দেখিয়া বৈভব ॥
 কতক্ষণে কৃপা করি প্রভু যতীশ্বর ।
 হইবে প্রাসাদোপরি নয়নগোচর ॥ ৬৮
 দেখিয়া কনককান্তি সন্ন্যাস মুরতি ।
 ভূমে পড়ি' বিলোকিব করিয়া আকুতি ॥
 দ্বারকায় রাজবেশে শ্রীকৃষ্ণে দেখিয়া ।
 কাঁদিল যেমন গোপী যমুনা স্মরিয়া ॥ ৬৯
 আমি চাই গৌরচন্দ্রে লইতে মায়াপুরে ।
 যথায় কৈশোর বেশ শ্রীঅঙ্গেতে স্ফুরে ॥

যথায় চাঁচর কেশ ত্রিকচ্ছবসনে ।

ঈশোচ্চানে লীলা করে ত্তত্ত্বজন সনে ॥ ৭০

সেই বটে এই যতি আমি সেই দাস ।

প্রভুর দর্শন সেই অনন্ত বিলাস ॥

তথাপি আমার চিত্ত পৃথুকুণ্ড তীরে ।

প্রভুরে লইতে চায় শ্রীবাস-মন্দিরে ॥ ৭১

তথা হৈতে কিছু আগে করি দরশন ।

শ্রীসমুদ্রগড়তীর্থ জগতপাবন ॥

যথা পূর্বের ভীম যুদ্ধে শ্রীসমুদ্রসেনে ।

দেখা দিল দীনবন্ধু শুদ্ধভক্ত জেনে ॥ ৭২

যথায় সাগর আসি গঙ্গার আশ্রয়ে ।

নবদ্বীপলীলা দেখে প্রেমে মুগ্ধ হয়ে ॥

শ্রীগঙ্গাসাগর-তীর্থ নবদ্বীপপুরে ।

নিত্য শোভা পায় যথা দেখে হুরাসুরে ॥ ৭৩

দন্ত জীব কোলদ্বীপ করে দরশন ।

পরম আনন্দধাম শ্রীবহুলাবন ॥

কীৰ্ত্তন-আবেশে যথা শ্রীশচীকুমার ।

ভক্তগণ সঙ্গে লয়ে নাচে কতবার ॥ ৭৪

কোলদ্বীপ কৃপা করি এই অকিঞ্চনে ।

দেহ নবদ্বীপবাস ভক্তজন-সনে ॥

শ্রীগৌরান্ধ-লীলাধনে দেহ অধিকার ।
জীবনে মরণে প্রভু গৌরান্ধ আমার ॥ ৭৫
কোলদ্বীপ-উত্তরাংশে চম্পাহট্ট গ্রাম ।
সদা শোভা করে যাঁহা নবদ্বীপ ধাম ॥
মহাতীর্থ চম্পাহট্ট গ্রাম মনোহর ।
জয়দেব যথা ভজে গৌরশশধর ॥ ৭৬
যথা বাগীনাথ-গৃহে শচীর নন্দন ।
সপার্ষদে করিলেন নামসংকীৰ্ত্তন ॥
বাগীনাথ-গৃহে হৈল মহামহোৎসব ।
গৌরান্ধ দেখায় নিজ প্রেমের বৈভব ॥ ৭৭
চম্পাহট্ট গ্রামে আছে চম্পকের বন ।
চম্পলতা করে যথা কুসুম চয়ন ॥
নবদ্বীপে শ্রীখদিরবন সেই গ্রাম ।
ব্রজে যথা রামকৃষ্ণ করেন বিশ্রাম ॥ ৭৮
ঋতুদ্বীপ বনময় অতি মনোহর ।
বসন্তাদি ঋতু যথা গৌরসেবাপর ॥
সর্ববত্তুসেবিতভূমি আনন্দ-নিলয় ।
রাধাকুণ্ড-প্রদেশের একদেশ হয় ॥ ৭৯
কভু প্রভু সংকীৰ্ত্তন-রঙ্গে এই স্থানে ।
স্মরি গোচারণ-লীলা কৃষ্ণগুণগানে ॥

শ্যামলি ধবলি বলি ডাকে ঘন ঘন ।
 শ্রীদাম সুবল বলি করেন ক্রন্দন ॥ ৮০
 আমি কবে ঋতুদ্বীপে করিয়া ভ্রমণ ।
 বন-শোভা হেরি লীলা করিব স্মরণ ॥
 রাধাকুণ্ডলীলাস্ফুর্তি হইবে তখন ।
 স্তম্ভিত হইয়া তাহা করিব দর্শন ॥ ৮১
 মানসগঙ্গার তীরে গোচারণ-স্থল ।
 রামকৃষ্ণ-সহ দাম-বল-মহাবল ॥
 অসংখ্য গোবৎস ল'য়ে নিভূতে চরায় ।
 নানালীলাচ্ছলে সবে কৃষ্ণগুণ গায় ॥ ৮২
 গোপশিশুগণ রহে নানা আলাপনে ।
 চরিতে চরিতে সবে যায় দূর বনে ॥
 না দেখিয়া বৎসগণে চিন্তে সর্বজন ।
 কৃষ্ণবংশীরবে বৎস আইসে ততক্ষণ ॥ ৮৩
 দেখিতে দেখিতে লীলা হৈল অদর্শন ।
 ভূমিতে পড়িব আমি হ'য়ে অচেতন ॥
 কতক্ষণে সংজ্ঞা লভি' আপনি উঠিব ।
 ধীরে ধীরে বনমাঝে ভ্রমণ করিব ॥ ৮৪
 হা গৌরাজ ! কৃষ্ণচন্দ্র ! দয়ার সাগর ।
 কাঙ্গালের ধন তুমি আমিত পামর ॥

এই বলি কাঁদি' কাঁদি' হ'য়ে অগ্রসর ।
দেখিব সন্মুখা আমি শ্রীবিজ্ঞানগর ॥ ৮৫
চারিবেদ চতুষ্টয় বিজ্ঞান আলয় ।
সরস্বতী-পীঠ বিজ্ঞানগর নিশ্চয় ॥
ব্রহ্মাশিবঋষিগণ এ পীঠ-আশ্রয়ে ।
সর্ব বিজ্ঞা প্রকাশিল প্রপঞ্চ নিলয়ে ॥ ৮৬
প্রভু মোর করিবেন বিজ্ঞান বিলাস ।
ইহা জানি' বৃহস্পতি ছাড়ি' নিজবাস ॥
বাসুদেবসার্বভৌমরূপে এই স্থানে ।
প্রচারিল সর্ববিজ্ঞা বিবিধ বিধানে ॥ ৮৭
যে বিজ্ঞানগরে বসি' গৌরগুণ গায় ।
সেই অধ্যাপক ধন্য শোক নাহি পায় ॥
অবিজ্ঞা ছাড়য়ে তারে যে বিজ্ঞানগরে ।
দর্শন করিয়া ভজে গৌরসুধাকরে ॥ ৮৮
আমি কি দেখিব কভু শ্রীগৌরসুন্দরে ।
বিজ্ঞানুরাগে গিয়া শ্রীবিজ্ঞানগরে ॥
শ্রীবাসাপরাধে দেবানন্দ-মহাশয়ে ।
দণ্ডিবেন বাক্য-দণ্ডে তরুণপক্ষ হ'য়ে ॥ ৮৯
আমার প্রভুর লীলা অনন্ত না জানে ।
কখন কি কার্য্যে মাতে থাকে কিবা ধ্যানে ॥

কেন যে কীর্তন ছাড়ি' পড়ুয়া তাড়ায় ।
 পরাজিয়া অধ্যাপকে কিবা সুখ পায় ॥ ৯০
 যাই করে প্রভু তাই আনন্দজনক ।
 স্বেচ্ছাময় প্রভু তেঁহ আমিত সেবক ॥
 ক্ষুদ্র পরিমিত বুদ্ধি সহজে আমার ।
 বিচারিতে শক্তি নাই বিধান তাঁহার ॥ ৯১
 নবদ্বীপবাসী অধ্যাপকগণ তাঁর ।
 নিত্যলীলা-পুষ্টিকারী প্রণম্য আমার ।
 সকলে করুণা কর দীন অকিঞ্চনে ।
 মোরে অধিকার দেহ নামসংকীর্তনে ॥ ৯২
 শ্রীবিজ্ঞানগর-প্রতি এই নিবেদন ।
 যে অবিজ্ঞা গৌরতত্ত্ব করে আবরণ ॥
 সে অবিজ্ঞা-জালে যেন মানস আমার ।
 আবৃত না হয় কভু থাকে মায়াপার ॥ ৯৩
 শোভে জহ্নুদ্বীপ বিজ্ঞানগর-উত্তরে ।
 যথা জহ্নু তপোবন ব্যক্ত চরাচরে ॥
 গঙ্গারে করিল পান যথা মুনিবর ।
 জাহ্নবী-স্বরূপে গঙ্গা হইল গোচর ॥ ৯৪
 যথা কৃষ্ণভক্ত ভীষ্ম মুনির আশ্রয়ে ।
 ভাগবতধর্মশিক্ষা কৈল বিধিত্রমে ॥

যথা জহু নিরুপটে করিয়া ভজন ।
আনায়াসে পায় কৃষ্ণচৈতন্যচরণ ॥ ৯৫
জহু দ্বীপ ভদ্রবন কৃষ্ণলীলাস্থল ।
নয়নগোচর কবে হবে নিরমল ॥
সেই বনে ভীষ্মটীলা পরমপাবন ।
তত্পরি রহি' আমি করিব ভজন ॥ ৯৬
রাত্র্যাগমে ভীষ্মদেব প্রশান্ত অন্তরে ।
দরশন দিবে মোরে শুদ্ধ কলেবরে ॥
কৃষ্ণবর্ণ বৃক্ষ তুলসীর মালা করে ।
দ্বাদশতিলকাস্থিত নামানন্দভরে ॥ ৯৭
বলিবে নবীন নবদ্বীপবাসি শুন ।
আমার মুখেতে আজ গৌরাক্ষের গুণ ॥
কুরুক্ষেত্র-রণে পড়ি' মরণসময়ে ।
দেখিলাম কৃষ্ণচন্দ্র একচিন্ত হ'য়ে ॥ ৯৮
নির্যাণসময়ে প্রভু বলিল বচন ।
নবদ্বীপ তুমি পূর্বের করিলা দর্শন ॥
সেই পুণ্যে গৌরকৃপা তোমার ঘটিল ।
নবদ্বীপে নিত্যবাস এখন হইল ॥ ৯৯
অতএব সর্ব্ব আশা পরিত্যাগ করি' ।
নবদ্বীপে বসি' তুমি ভজ গৌরহরি ॥

আর না করহ ভয় বিষয়-বন্ধনে ।
 অবশ্য লভিবে সেবা গৌরীঙ্গচরণে ॥ ১০০
 প্রভুর ইচ্ছায় এই ধামে সর্ববক্ষণ ।
 কৃষ্ণলীলা গৌরলীলা দেখে মুক্তজন ॥
 শোক ভয় মৃত্যু আর উদ্বেগ-কারণ ।
 বহিস্মুখ ইচ্ছা নাহি জীবের পীড়ন ॥ ১০১
 শুদ্ধভক্তজন কৃষ্ণকৈঙ্কর্য্য-আসবে ।
 নিজ নিজ ভজনেতে মগ্ন সুখার্ণবে ॥
 না জানে অভাব পীড়া সংসার-যাতনা ।
 সিদ্ধকাম শুদ্ধদেহ বৈসে সর্ববজনা ॥ ১০২
 নিত্যমুক্ত বদ্ধমুক্ত ভক্তি পরিকর ।
 অনন্ত সংখ্যক দাস গণের ঈশ্বর ॥
 যার যেই ভাব সেই ভাবে তার সনে ।
 নিত্যলীলা করে প্রভু এই সব বনে ॥ ১০৩
 এ ধাম অনন্ত, জড়া মায়া হেথা নাই ।
 চিহ্নহীন হেথায় অধিষ্ঠাত্রী শূন্য ভাই ॥
 তদনুগ দেশকাল করণ শরীর ।
 সব নির্মায়িক সম্ব এই তত্ত্ব স্থির ॥ ১০৪
 যতদিন না ছাড়িবে প্রভুর ইচ্ছায় ।
 মায়িক শরীর ততদিন তো তোমায় ॥

না স্ফুরিবে পূর্ণরূপে এ ধামের ভাব ।
তব বুদ্ধি না ছাড়িবে জাতীয় স্বভাব ॥ ১০৫
ভাগবতী তনু পাবে প্রভুর ইচ্ছায় ।
অব্যাহতগতি তব হইবে হেথায় ॥
জড়মায়াজালে আবরণ যাবে দূরে ।
অসীম আনন্দ পাবে এই নিত্যপুরে ॥ ১০৬
যে পর্যন্ত আছে ভাই মায়িক শরীর ।
সাবধানে ভক্তিতত্ত্বে থাক সদা স্থির ॥
ভক্তসেবা কৃষ্ণনাম যুগলভজন ।
বিষয়ে শৈথিল্যভাব কর সর্বক্ষণ ॥ ১০৭
ধামরূপা নামরূপা ভক্তরূপাবলে ।
অসাধু-সম্বন্ধ দূরে রাখহ কৌশলে ॥
অচিরে পাইবে তুমি নিত্যধামে বাস ।
শুদ্ধ শ্রীযুগলসেবা হইবে প্রকাশ ॥ ১০৮
ভীষ্মদেব-উপদেশ ধরিয়া শ্রবণে ।
সাক্ষাৎ পড়িব আমি তাঁহার চরণে ॥
আশীর্ব্বাদ করি' তেঁহ হবে অদর্শন ।
কাঁদিতে কাঁদিতে যাব মোদক্রম বন ॥ ১০৯
মোদক্রম শ্রীভাগীর হয় এক তত্ত্ব ।
যথা পশুপক্ষীগণে সব শুদ্ধ সত্ত্ব ॥

মনোহর দৃক্ষডালে বসি' পিকগণ ।
 গৌরহরি সীতারাম গায় অনুক্ষণ ॥ ১১০
 কত কত বটবৃক্ষ ছায়া বিস্তারিয়া ।
 শোভিছে ভাগীরবন সূর্য্য আচ্ছাদিয়া ॥
 রামকৃষ্ণ-লীলাস্থান প্রত্যক্ষ ভুবনে ।
 কবে বা স্ফুরিবে মোর এ দুই নয়নে ॥ ১১১
 দেখিয়া বনের শোভা ভ্রমিতে ভ্রমিতে ।
 শ্রীরামকুটার চক্ষু পড়ে আচম্বিতে ॥
 দুর্ব্বাদলবর্ণ রাম ব্রহ্মচারী বেশে ।
 লক্ষ্মণ জানকীসহ তার এক দেশে ॥ ১১২
 দেখিয়া শ্রীরামচন্দ্ররূপ মনোহর ।
 অচেতন পড়িব সে কানন ভিতর ॥
 প্রেমে গর গর দেহ না স্ফুরিবে বাণী ।
 দুই আঁখি ভরি পিব সেই রূপ থানি ॥ ১১৩
 কৃপা করি' রামানুজ আসি' ধীরে ধীরে ।
 বন ফল রাখি' পদ দিবে মম শিরে ॥
 বলিবেন, বৎস তুমি খাও এই ফল ।
 বনবাসে ফলফুলে আতিথ্য কেবল ॥ ১১৪
 বলিতে বলিতে লীলা হবে অদর্শন ।
 কাঁদিতে কাঁদিতে ফল করিব ভক্ষণ ॥

আর কি দেখিব আমি দুর্বাদলরূপ ।
হৃদয়ে ভাবিব সেই অচিন্ত্য স্বরূপ ॥ ১১৫
আহা! সে ভাগীরথ চিন্তামণিধাম ।
ছাড়িতে হৃদয় কাঁদে না হয় বিরাম ॥
রামকৃষ্ণ করে লীলা গোচারণ-ছলে ।
যথায় কীর্তনে মাতে গৌরা নিজ দলে ॥ ১১৬
ধীরে ধীরে যাব যথা শ্রীবৈকুণ্ঠপুর ।
নিঃশ্রেয়স বন যথা ঐশ্বর্য্য প্রচুর ॥
সর্বদেবপ্রপূজিত পরব্যোমনাথ ।
নিত্য বিরাজেন যথা শক্তিত্রয়-সাথ ॥ ১১৭
যদিও মাধুর্য্যময় শ্রীকৃষ্ণ আমার ।
তবুও ঈশ্বর তেঁহ সর্বৈশ্বর্য্যধর ॥
ঐশ্বর্য্য না ছাড়ে কৃষ্ণ ব্রজেন্দ্রনন্দন ।
ঐশ্বর্য্য না দেখে তবু কৃষ্ণভক্তজন ॥ ১১৮
কৃপা করি' সর্বৈশ্বর ঐশ্য লুকাইয়া ।
তুষিতে নারদচিত্ত গৌরাঙ্গ হইয়া ॥
দেখিয়া সে রূপ আমি আনন্দমাগরে ।
ডুবু ডুবু নাচিব কাঁদিব উচ্চৈঃস্বরে ॥ ১১৯
হইয়া বিরজা পার ব্রহ্মাণীনগর ।
ছাড়িয়া উঠিব অর্কটানার উপর ॥

তথা বসি' একান্তে ভজিব গৌরহরি ।
 নামসুধারসে মাতি নাম গান করি ॥ ১২০
 অর্কদেব কৃপা করি' দিবে দরশন ।
 রক্তবর্ণ দীর্ঘবাহু অরুণ বসন ॥
 সর্ববাঙ্গ তুলসীমালা চর্চিত চন্দনে ।
 মুখে সদা গৌরহরি অশ্রু দুনয়নে ॥ ১২১
 বলিবেন, বৎস তুমি গৌরভক্তদাস ।
 তোমার নিকট আমি হইনু প্রকাশ ॥
 অধিকৃতদাস মোরা গৌরাঙ্গচরণে ।
 গৌরদাস-অনুদাসে ভালবাসি মনে ॥ ১২২
 মম আশীর্ব্বাদে তব হবে কৃষ্ণভক্তি ।
 ধামবাসে নামগানে হবে তব শক্তি ॥
 সুধামাখা কৃষ্ণনাম গাইতে গাইতে ।
 সর্ব্বদা আসিও হেথা আমারে তুষিতে ॥ ১২৩
 সূর্য্যদেবপদে করি দণ্ডপরণাম ।
 অগ্রসর হ'য়ে পাব মহৎপুর ধাম ॥
 মহৎপুর কাম্যবন কৃষ্ণলীলাস্থল ।
 যথা গৌরগণ করে কৃষ্ণকোলাহল ॥ ১২৪
 যুধিষ্ঠির-আদি পঞ্চ ভাই যেই বনে ।
 কত দিন বাস কৈল দ্রৌপদীর সনে ॥

ব্যাসদেবে আনি গৌরপুরাণ শুনিল ।
একান্তে শ্রীগৌরহরি ভজন করিল ॥ ১২৫
অত্ৰাপিও কাম্যবনে দেখে ভক্তজন ।
যুধিষ্ঠিরসভা যথা বৈসে ঋষিগণ ॥
ভৌম শুক দেবল চ্যবন গর্গমুনি ।
বৃক্ষতলে বসি' কাঁদে গৌর কথা শুনি' ॥১২৬
আমি কবে সে সভায় করিব গমন ।
দূরে দণ্ডবৎ করি' আসিব তখন ॥
পাষণ্ড-উদ্ধার-লীলা গৌর-ইতিহাস ।
ব্যাসমুখে শুনি প্রেমে ছাড়িব নিশ্বাস ॥১২৭
কতক্ষণ পরে পুন সভা না দেখিয়া ।
কাঁদিব গৌরাঙ্গ বলি' ভূমে লুটাইয়া ॥
দ্বিপ্রহর দিনে ক্ষুধা হইলে উদয় ।
ভোজনার্থে বনফল করিব সঞ্চয় ॥১২৮
এমত সময়ে কৃষ্ণা পাণ্ডব গৃহিণী ।
শাক অন্ন ল'য়ে কবে আসিবে অমনি ॥
বলিবেন, বৎস লহ আতিথ্য আমার ।
গৌরাঙ্গপ্রসাদ অন্নমুষ্টি দুই চার ॥ ১২৯
সাক্ষাৎ প্রণমি তাঁরে আমি অকিঞ্চন ।
কর পাতি' শাক অন্ন করিব গ্রহণ ॥

গৌরাঙ্গপ্রসাদ অন্ন শাক চমৎকার ।
 সেবা করি' ধন্য হবে রসনা আমার ॥ ১৩০
 মহাপ্রসাদের কৃপা যেই জীবে হয় ।
 শুদ্ধকৃষ্ণভক্তি তার মিলিবে নিশ্চয় ॥
 সেই কৃপা নিত্য যেন হয়ত আমার ।
 অনায়াসে ছাড়ি' যাব অনন্ত মায়ার ॥ ১৩১
 দ্রৌপদী-প্রদত্ত মহাপ্রসাদ পাইয়া ।
 উপনীত হব কবে রুদ্রদ্বীপে গিয়া ॥
 কৈলাস যাহার প্রভা মাত্র ত্রিভুবনে ।
 সেই রুদ্রদ্বীপ শোভে নবদ্বীপবনে ॥ ১৩২
 যথা নীল লোহিতাদি রুদ্র একাদশ ।
 নৃত্য করে গৌরপ্রেমে হইয়া বিবশ ॥
 যথায় দুর্বাসামুনি করিয়া আশ্রম ।
 গৌরাঙ্গচরণ ভজে ছাড়ি' যোগভ্রম ॥ ১৩৩
 অষ্টাবক্র-দত্তাত্রেয়-আদি যোগিগণ ।
 ছাড়িয়া অদ্বৈত বুদ্ধি সহ পঞ্চানন ॥
 শ্রীকৃষ্ণচৈতন্যপদধ্যানে হয় রত ।
 সাযুজ্য মুক্তিকে ছাড়ে হইয়া বিরত ॥ ১৩৪
 কভু আমি ভ্রমিতে ভ্রমিতে রুদ্রবন ।
 মেটুস্থল-সন্নিহিতে করিব গমন ॥

বসিব তথায় গৌরপদ ধ্যান করি ।
অদূরে দেখিব দেবী পরমা সুন্দরী ॥ ১৩৫
বনদেবী মনে করি' করিব প্রণাম ।
জিজ্ঞাসিব, বল মাতা কিবা তব নাম ॥
অশ্রুমুখী দেবী তবে বলিবে বচন ।
শুন বাছা মোর দুঃখ অকথ্যকথন ॥ ১৩৬
পঞ্চবিধ জ্ঞান কন্যা মোরা পঞ্চজন ।
পঞ্চবিধ মুক্তি নাম করেছ শ্রবণ ॥
সালোক্য সামীপ্য সাষ্টি' সাযুজ্য নির্বাবণ ।
নির্বাবণ সাযুজ্য মোরে নাম কৈল দান ॥ ১৩৭
চারি ভগ্নী গেলা চলি বৈকুণ্ঠনগর ।
আমিত রহিনু একা হইয়া ফাঁপর ॥
শিবের কৃপায় দত্তাত্রেয় আদিজন ।
কিছুদিন আমা-প্রতি করিল যতন ॥ ১৩৮
এবে সেই ঋষিগণ ছাড়িয়া আমায় ।
রুদ্রদ্বীপে বৈসে এই সর্বলোকে গায় ॥
বুঝা আমি অব্বেষণ করি সেই সবে ।
দেখা নাহি পাই আর পাব কোথা কবে ॥ ১৩৯
শ্রীগৌরাঙ্গপ্রভু সর্ববজনে নিস্তারিল ।
কেবল আমার প্রতি নির্দয় হইল ॥

আমি যেই স্থানে এবে ছাড়িব জীবন ।
 নিদয়া বলিয়া স্থান জানু সর্বজন ॥ ১৪০
 সাযুজ্যের নাম শুনি' কাঁপিবে হৃদয় ।
 পুতনা রাক্ষসী বলি হবে বড় ভয় ॥
 আঁখি মুদি' সেই স্থানে পড়িয়া রহিব ।
 কোন মহাজনস্পর্শে তখন উঠিব ॥ ১৪১
 উঠিয়া দেখিব আমি দেবপঞ্চানন ।
 ববম্ ববম্ বলি' করিয়া নর্ত্তন ॥
 গাইবেন শ্রীশচীনন্দন দয়াময় ।
 দয়া কর সর্ববজীবে দূর কর ভয় ॥ ১৪২
 দেবদেব মহাদেবচরণে পড়িব ।
 স্বভাব-শোধন লাগি' পদে নিবেদিব ॥
 দয়া করি বিশ্বেশ্বর মন্তুক আমার ।
 ধরিয়া চরণ দিবে উপদেশ-সার ॥ ১৪৩
 বলিবেন, ওহে শুন কৃষ্ণভক্তিসার ।
 জ্ঞান কর্ম্য মুক্তিচেষ্টা যোগ আদি ছার ॥
 আমার কুপায় তুমি পরাজিয়া মায়া ।
 অতি শীঘ্র প্রাপ্ত হবে গৌরপদছায়া ॥ ১৪৪
 দক্ষিণে পুলিন দেখ অতি মনোহর ।
 বৃন্দাবনধাম নবদ্বীপের ভিত্তর ॥

তথা গিয়া কৃষ্ণলীলা কর দরশন ।
অচিবে পাইবে বাদিকার শ্রীচরণ ॥ ১৪৫
শস্ত্র অদর্শন হবে উপদেশ দিয়া ।
প্রণমি' চলিব আমি কাঁদিয়া কাঁদিয়া ॥
কতক্ষণে শ্রীপুলিন করিয়া দর্শন ।
ভূমে গড়াগড়ি দিয়া হব অচেতন ॥ ১৪৬
অচেতনকালে স্বপ্ন-স্বরূপ সমাধি ।
উদিবে অপূর্ব মূর্তি নিজকার্য সাধি' ॥
তখন জানিব আমি কমলমঞ্জরী ।
শ্রীঅনঙ্গমঞ্জরীর নিত্য বিধিকারী ॥ ১৪৭
অনঙ্গমঞ্জরী মোর হৃদয়-ঈশ্বরী ।
দেখাইবে কৃপাকরি' নিজ যুথেশ্বরী ॥
শ্রীকর্পূরসেবা মোরে করিবে অর্পণ ।
যুগলবিলাস করাইবে প্রদর্শন ॥ ১৪৮
পুলিননিকটে স্থান শ্রীরাসমণ্ডল ।
গোপেন্দ্রনন্দনলীলা তথা নিরমল ॥
শতকোটি গোপী মাঝে মহারাসেশ্বরী ।
সহ নৃত্য করে কৃষ্ণ সর্ববচিত্ত হরি' ॥ ১৪৯
সে রাসলাস্কের শোভা নাহি ত্রিভুবনে ।
বহু ভাগ্যে যেন দেখে মজে সেই ক্ষণে ॥